

თეა წულუკიანი გარემოს მონასტრის რეაბილიტაციის პროცესს გაეცნო



საქართველოს კულტურის, სპორტისა და ახალგაზრდობის მინისტრი თეა წულუკიანი გარემოში იმყოფებოდა, სადაც არქიტექტორ-რესტავრატორ თარიელ კიპაროიძესთან, ახალციხისა და ტაო-კლარჯეთის მიტროპოლიტ თეოდორესთან (დიმიტრი ჭუაძე), კულტურული მემკვიდრეობის დაცვის ეროვნული სააგენტოს დირექტორ ნიკოლოზ აზნაურაშვილთან და მუნიციპალური განვითარების ფონდის დირექტორ დავით ტაბიძესთან ერთად, გარემოს მონასტრის მდგომარეობას და სარეაბილიტაციო სამუშაოების პროცესს გაეცნო. ინფორმაციას კულტურის სამინისტროს პრესსამსახური ავრცელებს.

უწყების ცნობით, მინისტრმა მიიღო ინფორმაცია გარემოს მონასტერში მიმდინარე სარეაბილიტაციო სამუშაოების შესახებ, რომლის პროცესშიც არქიტექტორ-რესტავრატორებმა ახალი დაზიანებული კერები გამოავლინეს. კერძოდ, ხარაჩოების მოწყობის შემდეგ აღმოჩნდა, რომ ბუნების ზემოქმედების შედეგად სახურავი ნაწილობრივ დაზიანებულია და განსაკუთრებულ ყურადღებას საჭიროებს. შედგა შეთანხმება, რომ ძეგლის რეაბილიტაციის პროცესში, მუნიციპალური განვითარების

ფონდთან ერთად სსიპ კულტურული მემკვიდრეობის დაცვის სააგენტო აქტიურად ჩაერთვება.

კულტურის სამინისტროს ცნობით, ქართული ხუროთმოძღვრების ძეგლი, გარზმის მონასტერი სოფელ გარზმაში, სამცხე-ჯავახეთის მხარის ადიგენის მუნიციპალიტეტში მდებარეობს და ის ეროვნული მნიშვნელობის მქონე კულტურული მემკვიდრეობის ძეგლია. 2012 წლიდან, მონასტერში არსებული პრობლემების აღმოსაფხვრელად არაერთი ქმედითი ნაბიჯი გადაიდგა საქართველოს რეგიონული განვითარებისა და ინფრასტრუქტურის სამინისტროსა და მუნიციპალური განვითარების ფონდის მიერ მსოფლიო ბანკის მიერ გამოყოფილი სახსრების შესაბამისად

ltv.ge